

Na bella matène, Cuncette la zetelle
‘nnanze a lu spicchie se stave a reuàrdà
e stregnenne tra le mà na pettenelle
da sole se mettette a raggiunà:

“Lu timbe, certe, me se n’ha velate,
già quasce a quarantanne so ‘rrevate,
stinghe da sole , nen somme accumpagnate,
e n’ome ancora ne lu so’ prevate;

Mò pòre Felumene zoppe e scanassate,
nu cènce de marète l’ha trevate !
Eppòre nen so vecchie, me vede ancora ‘bbelle,
lu pitte me sta rètte comme a na fandelle,

La vète jè nu fuse, snelle e senza ciccie
le labbre rosce, nu fuche che s’appicchie.
E ‘nzacche de partète so ‘ncuntrate
ma tòtte quante ‘ppù li so lasciate.

Francì lu marenare me velì
e jeve pòre ‘bbille ‘llu frechè,
ma ‘llà bròtta lengua longhe de la matre
me decì sempre male ‘nnanze a jatre.

Felippe lu meccaneche faci,
ma sempre ònte me se presentì,
la tòtte tòtta sporche se mettì
de nafte e de grasse me pezzì.

Lurenze, lu dottore, me velì spesà,
ma jeve troppe vicchie, nen se petì fa.
Massì, lu macellare sesperì
quanne la sere ‘mpiazze me vedì,

Ma ‘ppù na ‘ccusa sole me cerchì
‘llu zòzze, ‘llu sfacciate , passa vì.
Dapù so conosciòte Zaraffè
n’emette ‘bbune, faci lu cuntadè,

E su ‘ncampagne me velì pertà,
pe jetallu la terre a fatijà,
ma je decitte ‘nghe ste ‘bbelle mà
je nen so fatte porbie pe sappà.

Ma lu piò furte che m’accapetate
jè state Federèche, l’avvucate,
le puesie d’amore me scrivì
ma dentre case manche me tecchì!

Oh che probleme, trevasse nu marète
n’ome pe sta ‘nzime ne la vète !
Je so de vocca ‘bbone, m’accuntente,
me vaste che jè ‘bbille e ‘ntelligente;

E se jè pòre ricche mije ancora
ca me fa fa la vète da segnòre.
O spicchie care ‘mmine, ma perché
ste ‘ccuse mo seccede sule a ‘mme?”

Lu spicchie respennette: “Cuncettì,
ne so ‘nnejate, nte pozze piò sentì,
‘nghe stu monne, chi troppe vò capà,
‘ppù sole l’arie se stregne tra le mà”.